

XUSTICIA CLIMÁTICA Y ENERXÉTICA YÁ ESIXIMOS AICIÓN



Tamos viviendo una fonda crisis onde a la situación d'emexxencia climática súmase agora una continua esguilada de precios ya incertidumes pola dependencia de los combustibles fósiles. Amás, a la inxusticia climática que supon que los menos responsables del problema seyan los que sufren les consecuencias de manera más acusada, súmase agora la inxusticia enerxética, onde los oligopolios tan teniendo beneficios extraordinarios mientras los/es ciudadanos/es emprobecemos. Faemos un llamamientu a los gobiernos p'acelerar la transición enerxética haza un modelu eficiente, xustu, democráticu y anovable; que protexa a les persones más vulnerables y garantice l'accesu a un mediu ambiente llimpiu y sanu, declaráu apocayá como un derechu humanu universal pola Asamblea Xeneral de Naciones Unies.

"El retrasu na aición climática significa muertes". Asina valoraba Antonio Guterres, Secretariu Xeneral de les Naciones Unies, les conclusiones del informe del Panel Intergubernamental de Cambiu Climáticu (IPCC) sobre los impactos de la crisis climática y l'adaptación necesaria. La emexxencia climática ye una crisis de derechos humanos d'una magnitú ensin precedentes y la falta d'una repuesta afayadiza a la crisis climática ta provocando violaciones de los derechos humanos. Siquier 3.600 millones de persones viven yá en situación d'enorme riesgu climático y l'amenorgamientu d'emisiones, l'adaptación y la xusticia climática son la única repuesta posible.

N'España, este mesmu añu, sentimos gravemente los impactos del cambiu climáticu, con foles de calor mortal, quemes forestales, seca y otros fenómenos estremos. Una realidá énte la que la única repuesta posible pasa por amenorgar les nuses emisiones, afaenos a los cambios y actuar con xusticia climática.

El modelu de crecimentu ensin llende por aciu la continua quema de combustibles fósiles y la destrucción de los ecosistemas tien de cesar. La ciencia indica que ye necesariu realizar amenorgamientos más fondos y más rápidos de gases d'efectu invernaderu. Ello ye que nel Estáu español estos amenorgamientos tendríen de baxar hasta algamar la neutralidá climática d'enantes de 2040. Por embargu, los caberos datos d'emisiones de la Unión Europea amuesen que se ta recuperando l'enclín a l'alza de les emisiones que se rexistraba enantes de la COVID (n'España aumentaron un 5,1% en 2021 con respectu al añu anterior). Un añu y mediu dempués de la entrada a valir de la Llei de Cambiu Climáticu hai munches midíes polítiques que siguen ensin alliniasse colos encamientos establecíos pol IPCC.

Una aición que debe d'ampliase acullá de les nuses fronteras, dando repuesta a la responsabilidá hestórica y a la delda de carbonu qu'el nusu territoriu tien con gran parte del Sur Global. N'una situación de nidia inxusticia, una serie de países enfrenta yá güei les más graves consecuencias del cambiu climáticu cuando nun son responsables d'ello. Mientras, los países del Norte Global, incluyida España y el restu de la Unión Europea, nun apurren el financiamientu que deben ya inclusive frenen el desendolcu de preseos p'acelerar la mitigación y l'adaptación al cambiu climáticu y pa encarar globalmente les perdes y los daños.

MANIFIESTU 12 DE PAYARES

La guerra d'Ucrania dexó patente la estrecha dependencia ente los combustibles fósiles, los conflictos geopolíticos, militares y un sistema económico depredador de la vida. Les consecuencias de la mesma tánse multiplicando, amontando a l'alza los precios de servicios tan básicos como l'alimentación o l'accesu a la enerxía, derechos fundamentales pal bientar humanu. Enfrentar la emerxencia climática rique avanzar haza la soberanía alimentaria y enerxética, unos cambios que van producir impactos positivos nel planeta de la qu'amenorguen la nuesa nociva dependencia de les enerxíes fósiles. La promoción de modelos intensivos na alimentación, del vehículu priváu y de les nuevas infraestructures fósiles son apuestas errónees con enormes implicaciones negativas sociales y ambientales, tal como recuerda'l IPCC. Apostar por reactivar gasoductos o regasificadores enllarga la dependencia del Estáu español de los combustibles fósiles y frena recursos que precisamos urxentemente pa la transición enerxética xusta y la protección de los derechos humanos de les xeneraciones presentes y futures.

Les alvertencies climátiques y científiques son cada vuelta mayores, y les consecuencias cada vuelta más catastrófiques, por ello movilizamonos. Les organizaciones firmantes esiximos a los gobiernos aconceyaos na COP27 qu'amonten de forma inmediata l'aición climática. Al Gobiernu español esiximos una contribución decidida y comprometida al financiamientu de l'adaptación de les persones y comunidaes más vulnerables del planeta, coherente cola so responsabilidá climática, asina como fondos adicionales pa compensar les perdes y daños resultáu de la emerxencia climática. Amás, el Gobiernu tien d'alzar l'ambición de los oxetivos d'amenorgamientu d'emisiones de la Llei de Cambiu Climáticu y Transición Enerxética en lllínea coles indicaciones científiques y la xusticia social. Un procesu de revisión que tien de realizase cola participación de la ciudadanía, les entidaes científiques y la sociedá civil encadamada, nel que se debe anteponer la proteición d'un futuru vivible y una transición xusta frente a los beneficios d'un modelu de crecedera invidable que nos ta llevando a un colapsu ambiental y social.

Énte la organización de la COP 27 n'Exiptu, la comunidá internacional y, sobremanera, los países que van participar nella incluyida España, tienen d'encamentar a les autoridaes exipcies a tomar midíes concretes pa revertir la fonda crisis de derechos humanos del país, garantizando la participación de la sociedá civil nel espaciu públicu con motivu d'esti eventu y de forma duradera.

N'España, Exiptu y en tol mundu la ciudadanía esixe más aición pola xusticia climática. El tiempu para actuar escósase y xugamonos TOU nesta llucha, ÉNTE LA INAICIÓN DE LOS GOBIERNOS, EL RUXIR DE LA CAI ESIXENDO,

¡QUE NUN CAMUDE EL CLIMA, QUE CAMUDE EL SISTEMA!

Apoyo del manifiesto por organizaciones en:

<https://forms.gle/uKB62KVn91j9GhUH8>

MANIFIESTU 12 DE PAYARES



Propuestas d'acción

Hai un conxuntu d'acciones que ye urxente acelerar pa protexer los derechos humanos y el mediu ambiente qu'habitamos. Ye fundamental consiguir un sistema enerxéticu qu'esbardie menos enerxía, use namá enerxíes anovables, y nel que la ciudadanía tenga una mayor participación y capacidá de decisión; un sistema de movilidad más caltenible, qu'implique menos viaxes, más curtios, y de forma más saludable pa les persones y pal planeta; un sistema alimentariu más caltenible, con producción ecolóxica, más cercana, con menos emisiones d'efectu invernaderu, con impactos positivos na biodiversidá, con un usu caltenible de l'agua y con meyores condiciones llaborales. Pa esto, precisamos impulsar verdaderes soluciones como, ente otres:

- Amontar l'acción climática alzando los oxetivos incluyíos na llei de cambiu climáticu y transición enerxética, asina como los compromisos internacionales adquiríos, en llínea coles indicaciones científiques y la xusticia social (oxetivos d'amenorgamientu d'emisiones y de sofitu financieru p'adaptación y pa perdes y daños del cambiu climáticu).
- Faer frente a la delda de carbonu adquirida pol Estáu Español col sur global aumentando decididamente'l financiamientu de l'adaptación de les persones y comunidaes más vulnerables del planeta, y de les perdes y daños que yá tán sufriendo, asegurando que se van cubrir na cantidá necesaria.
- Acelerar la transición a un nuevu modelu enerxéticu muncho más participáu pola sociedá basáu nel aforru y l'eficiencia enerxética y nes enerxíes anovables, abandonando les enerxíes fósiles y nucleares, con una afayadiza planificación que dexa compatibilizar l'esplégu anovable col caltenimientu de la biodiversidá, la repartida de los sos beneficios a los sos habitantes y territorios y la preservación ya impulsu de les maneres de vida rurales caltenibles.
- Democratizar la enerxía fomentando'l autoconsumu y les comunidaes enerxétiques.
- Impulsar un modelu alimentariu de proximidá, caltenible y ecolóxicu.
- Descarbonizar el tresporte con un cambiu haza modelos más caltenibles (fomentar la bicicleta con redes de cais y carriles esclusivos pa les bicis), el tresporte públicu y l'amenorgamientu de les necesidaes de movilidad (por exemplu, garantizando servicios públicos de proximidá pa evitar desplazamientos).
- Esanicar la subvención de 20 céntimo/llitru al combustible, porque fomenta'l consumismu d'un recursu que se ta escosando y qu'amás provoca gran parte del calentamientu climáticu.
- Aplicar y comprobar que se cumple la llende de velocidá máxima intraurbana de 30 km/h en toles ciudaes; asina como la interurbana, llindando más la velocidá interurbana máxima.
- Eliminación de vuelos curtios que tengan alternativa ferroviaria.
- Ameyorar la rede y los servicios ferroviarios pa vertebrar el territoriu y esfrecer el planeta.
- Asegurar una transición xusta pa les persones trabayadores y pa los coleutivos vulnerables.
- Establecer midíes garantistes frente a la probeza enerxética y contra la estafa del oligopoliu enerxéticu.
- Recuperar un mundu rural que lleva años enfrentándose al abandonu.
- Abrir la definición de les polítiques climátiques a la participación de la ciudadanía, de les entidaes científiques y de la sociedá civil encadamada.
- Promover un modelu que revalorice y redistribuya los trabayos de cuidados.

